

عنانك



حياة الفهد

أشتريته من شارع المتنبي ببغداد
فسي 18 / شعبان / 1444 هـ
فسي 10 / 03 / 2023 م

سرمد حاتم شكر السامرائي

م. سرمد حاتم شكر

حياة الفهند

عتاب

مئة الطبع ١٣٩٨ هـ - ١٩٧٨ م

لكون وفاة صقر الرشود المذكور
ص ٧ كانت في ١٩٧٨ م

عتاب - أشعار حياة الفهد

السيد محمد الرشود المحمّد
مع فائق تحيا في
أختك هيا

مطابع بصوتنا الخليلي
الكويت

اهداء



الى روح زهرة شباب المسرح في الكويت
الى النجم الذي خبا
الى من علمني وأخذ بيدي
اليك يا حبيب كل فنان كويتي شريف صادق
يا رمز مسرح الخليج الذي انتمي اليه
الى روحك الطاهرة
أهدي نتاجي الاول هذا
هذا النتاج الذي تمنيت أن اهديك اياه
وانت معنا في دنيانا تأخذ بيننا وتعلمنا
المسرح والفن والمحبة
الى روحك يا صقر الرشود
يا علم المسرح في الكويت
أقدم زفرات روحي

تلميذتك وأختك
حياة الفهد

مقدمة



عزيزي القارئ ،

حب الله وحب الناس وحب الوطن . كل هذه
الاسماء هي التي تشكل المحور والمحرك الاساسي
لهذه المجموعة البسيطة والمتواضعة التي اضعها بين
يديك والتي تحتوي على بعض القصائد من الشعر
الشعبي، الذي هو بطبيعة حاله شعر بسيط وغير
معقد . لذا فاني حينما اقدمت على كتابة هذا
اللون من الشعر فاني قد وضعت نفسي في تجربة
يتحكم فيها النجاح والفشل . ويكون صاحب الحكم
على هذه التجربة هو أنت . فأعتبر هذه المجموعة
منك واليك .

وأخيرا تقبل تحياتي .

الفنانة

حياة أحمد الفهد



ودعتك

ودعتك الله يا ظنى عيني
ودعتك الله تحت التراب
لو يسمح البين بس يوم تجيني
ونودعك جمله ويا هالصحاب
ونشوف عين ما نظن تبيني
تحت الثرى لو بقينا الاطناب
الله من يوم وقول حزيني
يوم سمعنا به نحيب الاحباب
قالوا جفانا ارشود يمشي الهويني
مقواه من يوم ما طاب له هباب
خيك يقول بس اوعديني
وطلبي له الرحمه من اوسع ابواب
يرحمك ربك يا غالي الثميني
ولو قلت بسلاك والله اني جذاب



درباحه



يا يوه انا قلبي محد يداويه
ظيم الليالي كثر انواحه
عزي لواحد محد يدانيه
ما تهمهم جيته او ارواحه
من هرجهم يا يوه زادوا مجاويه
صار ابوسطهم جنه درباحه
ان نادى هله محد يحاجيه
ومن الرفاقه ما لقي راحه
ولو طالب بحقه قالوا ليه
قال بس مالي دار غير البراحه
ودي في بيت انستىر فييه
ودي ابورع اسمع صياحه
قالوا مجنون وعقله مجافيه
وترى من مثله واجب سماحه







بسك يافهد

بسك يافهد تنكيري بالفالين
لونا على بالهم ما فارقونا
ياما سمعنا لهرجهم وكننا مصدقين
ولن نووا لفراقنا ما خبرونا
لو هم على خبرك جان جونا متعنين
يوم اسمعوا بحوالنا ما ساعدونا
قالوا لهم ربيعكم ظننا موصلين
والله يا فهد ما جو أنشدونا
كيف احوالنا وشلونا الحين
ابكلمة وحده ما قدرونا
من راحوا عنا ابدا ما لهم بين
وحتى بالورق ما رسلونا
خلهم يجونا ترى محنا زعلانين
من فعلهم بالعون لو قالوا أسمحونا






نواميس

ليمن جفاك النوم شتقول لليل -
صبحه ابعيد وتكثر به الهواجيس
هذه احواله من حظه جليل
جنه عازم له بفراشه نواميس
أيد على خده وذايق الويل
ودموعه بعيونه جنها محابيس
وشتقول للي عافوه المجاميل
وعقبهم دمه ما تقدر تقيس
يحسد من كان له بنيا خليل
يومه اسعيد وليله فوانيس
خله جريب له وما يعرف الويل
وليمنه حس بالشوق يلقاله جليس







يحمود

النفس عافت لنبيذ الزاد يحمود
والعين من كثر الهواجيس عافها النوم
قالوا تناساك خلك وما نظن ايعود
والحين له حول الشهر ما منه اعلوم
قلت انا صابر وعن حبه حش ماجود
وبهجره ما حسيت اني انا مظلوم
قالوا قل الزاد ما منه ابفود
قلت الموته وحده ويأحظه من مات مهظوم



يا شقي حالي

البارحه يا شوق مكثر محاتاكم
لا غمضت عيني ولا قلبي ارتاح

المهندس سرمد حاتم شكر السامرائي - Sarmed- @sarmed74 Twitter:
قناتنا على التليجرام: كتب التراث العربي والاسلامي Tihama_books Telegram: https://t.me/Tihama_books

انتو اللي عفتون واحن بجيناكم
يوم حسبتون جن خطا وراح
لنتو اللي طعتون ولحن سألناكم
بعد الحزن يا زين يمكن تجي افراح
رحتوا ونسيتون بس ما نسيناكم
ويا شقى حالي من طول الصياح
خفتو حجي الناس بس ما عنيناكم
وضاع الحجي الجد ويا هالمزاح







من اسبابه

عزي للي بكى ومحد حواليه
حيث الرفاقه عافوا اطنابه
جاها الخبر ومحد نشد فيه
جن ما شافوه ولا هم احبابه
قال لو بس اصويحه جاه بتواليه
يفنيه عن هنه وعن كل اصحابه
مير لا هذا ولا ذاك شدو لراضيه
ولحد سأل منهم ويش اللي صابه
قال شرهتي مو عليهم من اللي اعانيه
لومي عل اللي بخلي بطبابه
قال لو شوفة منه تكفي واحاجيه
واخبره بللي اعانيه من اسبابه
وانشد اللي خذوه وبعده ليه
ما يدرون عن روعي معلقه في شبابه
والله يا يوه ان فراشي مدانيه
من عيني السهره وقلبي اللي شبابه





رسالة

رسالتي لواحد بين الرجال مفهوم
أشهد أنني لنخيته ما يخلي

قول عن سر عندك أنت معلوم
بالله يفلان لسانك لا يزلي

خوفي أنا منك يالزين معدوم
ميرانه خويك شاهد بالمحلي

ولا غيره ما له شغل باليوم
ليشني وصية يستر على غلطة لي

واله يفلان أنا مني الحال مسقوم
ومن لحظني قال أنا مولني

أشهد أنني من اللذات محروم
أضحك بعين وعين تهلي

هذا من سر جنه بمل ملجـوم
ما نام ليلي ولا عين تغفلي

انا والله على الفلطات ماني بملزوم
ميرانها رغبة بللي زاد التغلي

ولو ما خاطرك عندنا محشوم
ما طلبناك تنسى اللي حصلي







الله يجازيك

لا انت خوى لي
ولاني مـخـاويك
لا عاد تنشـدني
مكثر حـجـاويك
يومك تصد عني
وانا اراضيك
بس لا عاد اتقلي
ودي الاقيـك
خوفي قلبي اللي
يومه يحاتيك
يخنلني وينلني
ويقعد يراويك
اموعه لتلهي
وخيفة رجـا فيك
انا ملـيت من نلي
الله يجازيك



عافوا مراحي

والله اني يا خلق من حالي استملت
وحتى هل لي عافوا مراحي

من حيث ونة ما تهد ولا تببت
ومن برد قلب ما ينفيه شلاحي

لو قالوا شفيك قلت جني استجنيت
يوم اوسوس ولاني بصاحي

من شدو اهل الزين مذكر تشافيت
علتي بزود وليلي انواحي

بسك يا ليمي جانك من البيت
لا تلموم من مثلي يبفي السماحي

سموحة حسين الوجه اللي تمنيت
امسي على شوفه واصحى صباحي



سافر




سافر عدیل الروح یا زود غربالی
جسم انا مطروح من فرقة الغالی
سافر وهو زعلان وده یعاتبني
وبروحته حیران هذا اللي عذبني
اسأل أنا الخلان من شاف محبوبي
حق شوقته شفقان وعارف أنا ذنوبي
ودي اشوف الزین قبل السفر ساعه
وانشده رایح وین واکون بوداعه
یا اهل الرحم طلبوه خلوه یحاجيني
وقبل السفر سألوه وده یخلیني
ادري أنا غلطان ودي اعتذر منه
ما بیه یروح شرهان وبقلیبه جم ونه
طلبوا لی ابیته مقدر أنا احاجیه
خوفي علی صیته وخوفي اظل ابکیه
خوفي هله یحسون ویزید غرباله
ما بیهم یعرفون الخاطر عیاله

المهندس سرمد حاتم شكر السامرائي - Sarmed- @sarmed74 Twitter:
قناتنا على التليجرام: كتب التراث العربي والاسلامي https://t.me/Tihama_books Telegram:

طلبوا المطار بساع خلهم ينادونه
قلبي عليه الساع واحترار بظنونه







مثل السراب

اشدعوه يسعود ما جنا عنيـنا
تبخل علينا بخطوة من خطاويك

اجل يسعود لو تدري اشفينـنا
بس ما نظن جيتك تشفي مجاويك

لن يا شوق غلطتك سينـنا
اثر جرح وخيبت امل فيك

انزين وشقواتك لو ما نسينـنا
هم بتتسى هوانا لو احنا نبيك

لتقول عوفونـنا مثل محنا سوينـنا
حنا حجينـنا يـختلف عن حجاويك

حجيكـم مثل السراب ما منه روينـنا
متنا بعطشنا الله يجـازيك





يا هـلا بك



يا راشد العقل جما البدر ملقـاك
ضيع صوابي كثرة تفـاجيري

ان جيتنا يا هـلابك وحيـاك
وان صديت ربي لي امـجيري


ما أبخل عليك بالروح لو تاقـاك
وما أبخل انا بالدمع لو يحـيري

والله لهله لو هو بذياك
ولو يغله دمعي دمي غزيـري

اطلب يا بعد عمري محياك
ما تلقى غيري على فراقك سهـيري

يا راشد العقل وين أنا بلقـاك
لو يصير بالصين احلف لطـيري







يسعود

يسعود لا تمدح الناس من غير تجريب
وحذارك من كان بالقعدات خناس

ولا يهزك يسعود بالسهرات تطريب
وسرك تبوحه لجميع الناس

خلك كتوم وحاول التصويب
واختار من منهو أمين وحساس

أمين على سرك وفيه تطيب
لو جاب طاريك بالقعدات بلاس

لو تصفي لكلامي ما ظنتي تخيب
تهنا بنومك وتفارق الوسواس





احذر



احذر يا بو سعود من جليمات دارت
جانك على البينين لتعيد طاريها

قول الرجال افعال ومن جيلهم صارت
بيار من الحصاة طالع معاليها

الواحد منهم لـين شيمة ثارت
يفعل افعال لو عارف تواليها

انا نفسي العزيزه بأمرها حارت
اتصدق جليمات واحد مايعرف معانيها

ادري به خواف وياما نمته شـالت
ليصار صبح ما يقدر يسويها







يفلان

والله يفلان ماني بالقول ملازوم
بس هقوتي كل الخلق عالميني

سبتي قلب من الحب مجلوم
ودمعة من حرها غصب تبيني

هقوتي من شوفكم اصبحت محروم
عاصي البخت عيا يليني

حرى على شوفكم حر ورع من الديد مفظوم
وحر دمعة ام على فقد الجنين

يا فلان هذي حالتي وان صار معلوم
احكم بالعادل جانك تبيني





والله لو تدرې



والله لو تدرې شكتر عانيت
جان حنيت جان رييت
جان قلت اسف ما حسيت

لو تدرې
لو تدرې جان قلت انا غلطان
انا من غلطي خجلان انا ولهان
سامحنې انا اخطيت يفلان

لو تدرې
لو تدرې بس ليش انا زعلان
ومن منه واي انسنان
من عشر صبح جاسي صبح خوان
لو تدرې



المهندس سرمد حاتم شكر السامرائي - Sarmed-
Twitter: @sarmed74
قناتنا على التليجرام: كتب التراث العربي والاسلامي
Telegram: https://t.me/Tihama_books

ملسوع



انا البارحة كل الاجناب اوجعني
جني محماس على النار مجنوع

ليلي طويل وعيونني عصمتي
ما ريحني حتى بالدموع

والله اني يسعود من كثر وني
هقوتي صوتي عند جارنا مسموع

يحسبني بهنا وجالس اغني
ما يدري اني من الحرات ملسوع

انا والله ما رجي للعدو ينعدي مني
لن ما يفارق النوم الا واحد موجوع







بسكات

بسكات أعاني حبهـم بسكات
بسكات لا يدرون عذالي
بسكات أجرونه عقب ونات
أجرها لـنه هو سالي
من حبنا لخالي الحلو هيهات
ما همته يا ناس احوالي
مرات نظري على بالهم مرات
ولا هم يا ملا دايم على بالي
مره لحظني وبعيني الدمعات
قلت بسبتك قال انا مالي
قلت شلون اداوي قلبي من الحسرات
قال بس شوفو غيرنا خالي
قلت اويـه اترى صاحبي موات
بغيرنا والله يا خلق قـالي



نشدوه



جسمي نحل وجنه الموت ناديه
ومحد نشدني جيف أنا حالي

عزى لقلب محد حواليه
حتى خويه قال أنا مالي

مالي حاجة به وشلون أواسيه
ثم أنا يا ناس من بيت عالي

لي اهل صيتهم محد يوازيه
وشلون احب واحد بطالي

قلت ويلاه ودي احاجيه
حبة من شفته تصبح لي بالتالي

طبي وطبيبي من اللي اعانيه
نشدوه وان عيا حي الموت لو جالي



وعندما عادت من الرحله
يا هـلا (الى ابنتي)



يا هـلا بللي لفانا جاي من بعيد
حق شوفنا شفقان واحنا شفاقه

عقبك يا نور العين محنا بمساعيد
عفنا اهلنا وكل الصداقـه

اسمه بحرف السين وملقاه لنا سعيد
جانا الحلو ولهان شايـل اثواقه

يوم سمعنا به قلنا هل العيد
يا زين ملقاه ومقوى فراقـه

ولهان حق أمه وحق مدت الايد
تمسح على شعره بحب ورفاقـه





ياليت



يا طير ربيت من عند الجماعه
لا خبر تحمل ولا كلمة وداعه
قلت له يا طير ودي ابساعه
ولهان حق صوته احيا بسماعه
وكلمه تكفي احنا قنّاعه
ما قلت له عقبه عايش الواعه
ظنتي يمانع ما هي اطباعه
يا ليت بالجذب قال سمع وطاعه

احنا العرب



مرتي بارض الحلو عاد لي
وانا محمّد بعد عينه عاد لي
اقدم حياتي بس لو عاد الي
لكن قلبات الزمن وياي عاد
كل من اله محبوبه هاجره وعاده
احنا العرب لمسامح لنا عاد
وليش محبوبتي عاقلطات عداسي



بس عاد



طال الحجي بيننا ظنتني وزاد
عفت النوم من همك علي زاد
لو نصبح بميزان كفى أنا زاد
ولو قولي غلط تعال حاسبني
انا الضحيت وانت بلاش حاسبني
ليشني سامحتك من الهبلان حاسبني
بس عاد صبري طفح وجنبك علي زاد

ولو شفته



عقبك انا بس البحر صاحبي
مارد على غيرك لو منو صاح بي
ومن انات قلبي الميت صاحي بي
قالوا جفاك الزين شتريد منه
حبه الك يحس انه بييه منه
ولو شفته بالدرب وخر وصد عنه
قلت بس بعده ما بي عرق صاحي بي



حسبي على



يللي ظريت الروح بسهم
خلفت عقبك طير صويب اسهم
خل وفي عقبكم بس هم
حسبي على من سعى بالفراق وصل
وبالكلام الشين من يمنا وصل
قطع اقبال الموده وما وصل
وعيب علينا نقول الكلام مو بسهم

الجار



الله من ظلم الدهر لي جار
كل بعد عني حتى هلي والجار
جار صفق بابه وجار على جار
وانا ظليت وحدي بدنيتي خالي
محد نشدني شبعان لو خالي
بطني من الاكل والجيب خالي
مسكين من مثلي دهره عليه جار

أنا الغلطان



ليلي طويل ومساهره واجيب
انا الغلطان ومان كان لي واجيب
احب واحد ابد ما قام بالواجب
لها باللائش وانا من البسال عداني
عدة حسين القيم وانا بالعيب عداني
علي عداي ابذهب وانا بالماوعداني
واهو نهانتني خلص ما قام بالواجب

سعد الليالي



سعد الليالي مرق وبساع عداني
حيث الاحببه ولا برخيص عداني
عد احبابه بعدد وانا بالعد عداني
جيف الصبر يا عين والخل سأليني
راح وجفا وما يرد وبهذا سأليني
اصبحت جلد وعظم وهم لروح سأليني
ما عدت اخطر على بالهم لن الريل عداني

المهندس سرمد حاتم شكر السامرائي - Sarmed- @sarmed74 Twitter:
قناتنا على التليجرام: كتب التراث العربي والاسلامي Tihama_books Telegram: https://t.me/Tihama_books

للرسوم الداخلية والأخراج : اسامه الشريف

الشاعرة في سطور

● حياة احمد الفهد

● من مواليد الكويت عام
١٩٤٨ م .

● بدأت حياتها الفنية عام
١٩٦٢ م . وشاركت بالكثير
من الاعمال الفنية الاذاعية
التلفزيونية المسرحية .. كما
شاركت في بطولة



اول فلم كويتي " بس يا بحر " وهذا العمل الفني
الكبير اول انتاج لها في مجال السينما الكويتية التي عرف
العالم ان وجود السينما الكويتية وجود تطور فني كبير
كذلك يعتبر هذا الكتاب اول انتاج لها في محاولات
الشعر وهي لا تعتبر نفسها شاعرة وانما تخالها
احاسيس تدور بخاطرها .. فتخرجها على شكل
قصائد شعرية .

حياة الفهد